

RECIT

*Deus eur vag a zo bet chaviret a return deus a Loguivy bet en pardon
an dreindet hac a vou arri ar ganoul an esper dont da Bleuvian.
Ar maleur man a zo arriet ar pemp varnuquent a vis ebrel 1858.*

Voar don : *Catel Gollet*

Speret santel me ho suppli
Reid breman ho c'hasistañ din
Ma rin eur recit truezus
Hac a vo da gals exemplus.

Gwerc'hez Vari mam d'hon Zalver
Obtenet evit eur pec'her
Ar c'bras da alout disklerian
Ar malheuriou truesus man.

An drivet sul goude ar Pasq
En hon bro eo an usaj
Mont da bardona d'an Dreindet
Eur plaç devot darempredet.

Evelse eur vag a Bleuvian
Commandet gant Pipi ar Morvan
Hac a nefoa pretantet mont di
En moraj ber dre Loguivy.

Ouspen a voa accompagnet
Gant e vreur hac e c'huerezet
Oll voaint queren ha mignonet
Deus ar memeus contre eunec.

Monet a rejont deus ar beure
Goud a rent ré suit ar mare
Rac ho esperañ voa cavet
Ofern veure bars an Dreindet.

Hac en Loguivy pa arijont
Stagjont ho bag voar an tanjon
Ha monet dre douar d'ar pardon
Da gat ofern gant devotion.

Hac evit e situation
Andreo Hamon deus a Beros
Euo medi ar goz Dreindet
Ze ra en parous Plairanec.

P'ho deus assistet d'an oferen
E teujont er mes da bourmen
Eur plaç laquejont da n'eum gat
Evit return are gant ar vag.

An dud man en defoa esperañ
Ober o zro gant dilijanç
Na sonjen quiet er malheur
Vit dont ac'hane d'ho demeure.

Pa c'herujont en Loguivy
Nem breparjont vit imbarqui
Confianç bras ebars an amzer
Hac avel vad da vont d'ar gêr.

Commancet defoant ho beaj
Vit return gant cals a gouraj,
Mes allas ar gouel avantur
A deuje d'ho rancontr assur.

Pa sevjont ar vouël ac'hane
Demeus a bel a voelet ane,
Eur gobar gant ho mignonet
So deut a ben rencontr dese.

Ar bos er bord ho deus bet tolet
Mes divoernian deus quiet gret,
An delebomp ho tont en dro
A dro ar vag voar e gueno.

Homan a heo an extremité
Ar ganal e creis ar mare,
Eunec ho flojeal var an dour
Iucapabl ar c'hanot d'ho sicour.

Mestr ar gobar gant e vreudeur
A essa appesi ar malheur,
Mes goude e oll bossubl groet
Pemp deus an dud man zo beuet.

Hoec'h ane so soveteet
Hac ar pemp al so bet beuet,
O Doue goassan calonnat
Vo homan priet mam ha tad.

An heur man a so d'he glac'harus
Hac ar beureman voaint joaüs,
Daou deus a re veuet so tapet
Hac an tri al nintquet cavet.

Pa dosteen da Ben-Alan,
D'ho bro en coste Pleuvian,
Ho mignonet a voa diredet
Da c'houl doare ar pardon oute.

Petra respondfet ma zud quez
N'eun evelep tristidiguez,
Sonjal en danjur ma zoc'h bet
Hac en glac'har tud ar re veuet.

En Pleuvian a vo glac'har
Nemert Doue ep quen ne voar,
Anton Vorvan en naufrag-se
A voa pevoar eus e vugale.

A pa glévo grouek ar Moullec
Penos he c'heo beuet e fried,
Pa sello ouz e c'houec'h buguel
Quen douç casi ve dezi mervel.

Libouban goz hac he briet
Pa gleyfont vo ho merc'h beuet,
Glac'har nefe an daou baour quet
Ho diou verc'h all so diou vadez.

Daou deuz aneze zo cavet
Hac a zo en douar biniguet,
Ho c'horf a repos en douar
Graç ma vo ho ineo er gloar.

Cals a c'hoberi n'eus draguet
Ho essa cavet an dut veuzet,
Mes na guever quet aneze
Done da vo gant ho hine.

Chetu hanoiou an dut venet :
Guil ar Morvan, Guil ar Moullec,
Neuse Louisan ar Marchant
Hac Angelic, merc'h Libouban.

Neuse Marivon ar Morvan
Tout voaint deus a Pleuvian,
Glac'har bras da berc'hen ar vag
Beuet e nisez hac he vab.

Are zo bet sovet er fin :
Pipi Morvan, Frances Tulpin,
Soez Morvan ha Jeanne-Mari,
Jeanne, merc'h da Bipi Nervé.

Neuse voa Carolinan Hernot
A chome an divezan voar flot,
Pa sellas ouz a re veuzet
E speret voe casi troublet.

Quement a neuz doujanç Doue
A dle pedin vit ho c'hine,
Sonjomp pa guiteomp ar gær
N'omp quet exant deus a valheur.

N'eun récomandomp d'ar beden
Ounes eo ar gouellan moien,
Ouspen ma c'he guir sceul an env
Eo guir esperanç ar vué.

Pa sonjan bars ar malheuriou
Ariet ebars ar menmeus bro,
Ober rin ar memor eus a n'e
Ma vo pedet vit ho c'hine.

O font d'an nod da Lanvode
Voa beuet pemb deus ar beure,
A seis ebars en Toul-ar-Sten,
Seis al en riblo ar Gleusen.

Tud devot pedet evite
Me recomand dec'h quement-ze,
Rac ho peden vo exauset
Gant Doue dre m'ho car parfet.

